## 山庫全幸

史部

欽定四庫全書

九朝編年備要卷二

詳校官編修臣謝振定 侍讀臣孫球覆勘

校對官修撰臣具錫龄 總校官檢討臣何思釣 曆録監生 張仲芳

陳均 撰

沈義倫為樞密副使 斌等在蜀掠奪子女隱沒貨財上令併按以擅慰軍 蜀不擾命領鎮安彰國保順節度使先是或告王全 累王仁瞻豈為卿隱又以劉光義張廷翰李進卿平 士装錢及殺降致冠之由罪當死上赦之乃責全斌 及崔彦進崇義昭化留後王仁瞻右衛大将軍 初義倫為隨軍轉運使入成都獨居僧寺號食偽蜀 一賞曹彬特優彬辭上曰卿有功無過茍有纖芥之 こうなしない こんから 覆試進士 皆合格乃賜及第建隆間詔及第人不得于知舉稱 門生乾德元年令貢舉不得用朝臣公薦至是又加 院臺閣近臣得薦抱至藝者號曰公薦然去取不能 覆試而貢舉條令益密矣故事每歲知舉官將赴貢 盧多遜知舉上復詔參知政事薛居正于中書覆試 所有唯圖書數卷而已上聞其清節過人故擢用之 羣臣有以珍寶奇巧之物為獻者皆却之東歸篋中 九朝編年備要

金りせんと 韓重衛罷 三月趙普加左僕射 普救已他日詣普謝普拒弗見重替罷後殿前都持 時為殿前都指揮使有諧其私取親兵為腹心者 無所私故禁之 揮使六年不除至開寶六年始以楊義為之 怒欲誅之趙普曰若重贇以諧誅即人人懼罪誰敢 為陛下将者上乃止命重齊出領彰德節度重齊聞

六月戊午朔日有食之 夏四月馬士元致仕 五星聚奎 士元日我為臺省近臣不為執政所禮可以去矣 推星步思當謂徽之等曰丁卯歲五星聚全自此天 初實嚴與盧多遜楊徽之周顯德中同為諫官假善 士元時為給事中謁沈義倫適有更白事不顧士元 下太平二拾遺見之嚴不與也

大きりを入事

九朝編年備要

秋 金にとしたとい 戊辰開實元年 九月李奏與卒 因平蜀得錦工數百人而置院 子克叡嗣領軍務 八月河決衛州 其彩殺數百人 月置綾錦院 一月攺元 卷二

修大内 次定四事全書 — 春正月修京城 繼元立改天會十三年為廣運元年 **唐國吳越漳泉奉正朔南漢大寶十一年北漢主劉** 上又嘗語宰相曰古之為君鮮能正身自致無過之 如我心少有邪曲人皆見之矣 令洞闢諸門皆端直軒豁無有蔽壅因謂左右曰此 初上命增修大內至是營繕畢賜諸門名上坐寢殿 九朝編年備要

行覆試法 二月納皇后宋氏 忠武節度使延渥之長女也延渥尋改名渥 蓋忠信之簿而獲福亦淺鮮斯可戒矣 唐太宗受人諫疏直訴其失曾不愧恥豈若不為之 王祐知舉陶穀子那登第上曰穀不能訓子那安得 地联當夙夜畏懼防非室欲庶幾以德化人之義如 而使下無問言哉為臣者或不終其名節陷于不義

大芝四草全,可 六月以董遵誨為通遠軍使 夏五月賜米麥脈唐飢 第遽命中書覆試因詔自今舉人凡關食禄之家皆 **唐飢賜米麥十萬斛以賑之** 令獲試 族酋長宴勞之諭以朝廷威德衆皆悦服後數月復 上以通遠軍西戎近邊命遵誨守馬遵誨既至召諸 冠 遵海率兵深入俘斬甚衆夷落以定上嘉其功 九朝編年備要

**メシェノモ・バーニ** 就拜羅州刺史使如故 盤龍衣使齊賜之 遵語當遣其外弟劉綜来貢馬及還上解所服真珠 指揮使一日便殿召見遵誨伏地請死上令左右扶 誨憑籍父勢多所凌忽及上即位遵海累遷至號武 初遵誨父宗本仕漢為隨州刺史上微時當往依馬遵 起未幾部下有訴其不法之事遵誨惶恐待罪上諭 之曰朕方赦過責功豈念舊惡遵誨再拜感泣又問 卷二

一次定四車全書 一 秋七月北漢主釣卒 養子繼恩立遣使告終稱嗣于契丹契丹許之然後 如此 購得其母還之上之不念舊惡推赤心以待臣下類 即位初漢世祖女適薛氏生子繼恩再適何氏生子繼 年 遵誨太平與國中兼領靈州路巡檢在通遠凡十四 遵誨母安在對曰母氏在幽州患難睽隔上乃厚賞 九朝編年備要 六

熾炭燒肉普妻行酒上以嫂呼之普從容問日夜久 約吾弟矣已而開封尹光義至即普堂設重祖地坐 退朝不敢脱衣冠一夕大雪普謂上不復出矣久之 疾召平章事郭無為執繼思手付以後事繼恩嗣位 扣門聲異甚亟出則上立雪中普惶恐迎拜上曰已 諡鈞為孝和皇帝 元俱幼孤世祖以釣無子使養之皆冒姓劉氏釣寝 上自即位數出微行或幸功臣之家不可測趙普每

次定四車全書 ~ 謀者謂北漢主曰君家與周氏世仇宜不屈今我 姑試卿爾于是用師荆湖繼取西川當因北漢界 諸國彼彈九黑子之地将何所逃上笑曰吾意政爾 使一舉而下則邊患我獨當之何不姑留以俟削平 其時也顧聞威等所向上曰吾欲取太原普點然良 寒甚陛下何以出上曰吾睡不能着一榻之外皆他 人家也故来見卿普曰陛下小天下耶南征北伐今 日非臣所知也上問其故普日太原當西北二邊 九朝編年備要

九月嚴銅錢出界禁 北漢弑其主繼恩 不足當中國之萬一區區守此蓋懼漢氏之不血食 五贯以上者死以下抵罪有差 行以決勝員北漢主遣謀者復命曰河東土地兵甲 爾無所間何為苦此一方之人也若志中國宜下太 以為生故終劉鈞之世不以大軍北伐 也上哀其言笑謂謀者曰為我語劉鈞開爾一 路

次定四車全書 一 李繼勲擊北漢敗之 口云 而未果未幾供奉官侯霸榮等作亂殺之繼思立才 將領軍扼團柘李繼勲及何繼筠等擊破之于銅鍋 繼元始立王師已入其境乃亟上表契丹求援又遣 **弟繼元立改元廣運初北漢主惡無為之專欲逐之** 河北漢尋復入冠大掠晉絳二州之境 六十餘日而難作或言無為寔使之亟誅霸榮以滅 九朝編年備要

貶雷德驤官 臣乎引柱斧擊折其上齶二齒命左右曳出詔處以 極刑既而怒解止用闖入之罪點焉 賄上怒叱之曰鼎鐺猶有耳汝不聞吾之趙普社稷 武殿奏之辭色俱属并言趙普强市人宅第聚飲財 名德釀憤惋求見欲面白其事未及引對即旦詩講 德驤判大理寺其官屬與堂吏附會宰相擅增減刑 上人當彈雀後苑或稱有亟事請見者亟召見之乃

たいこりまくよう 冬十月吳越王俶使子惟濬来貢 是判太常寺和明言按唐天寶中事太廟禮器外每 常膳如平生既而曰古禮亦不可廢也命復設之於 先是上親享太廟見其所陳題豆簠簋問曰此何物 柄楦具口墜兩齒已而復召賜之金帛 常奏上詰之對曰臣以為尚急于彈雀上愈怒以斧 也左右以禮器對上曰吾祖宗寧識此亟命撤去進 一月癸卯郊大赦改元 九朝編年備要

金グモノへ 十二月趙普起復 春二月命曹彬等伐北漢 乙己 開寶二年 一親征三月圍太原 室加常食一牙盤五代以来遂廢其禮令請如唐故 事乃詔别設牙盤食稀拾時享皆用之 唐國吳越漳泉奉正朔南漢大寶十二年北漢廣運 年 卷二

沙定四車全書 一 夏四月契丹分道救北漢何繼筠等敗之 五月命諸州恤刑 召繼筠授以方畧使往拒之且曰翌日亭午候卿捷 書至也繼筠如期果大敗契丹于陽曲重衛亦擊破 兼行赴之又聞契丹兵二道其一自石嶺関入乃驛 其衆于定州境 初上料契丹必由鎮定入援太原乃使韓重暫倍道 決晉水以灌之從陳承昭之策也後又決汾水灌之 九朝編年備要

閏月詔班師 反状明白遂殺之以徇 幾斃趙廷翰復願先登急擊上日汝曹皆我所訓練 太原城久不下王廷義石漢卿皆力戰死李懷義亦 太原圍急郭無為勸北漢主出降漢主不聽或言具 罪即時遣決自是每歲仲夏必申明是詔 上以暑氣方盛深念縲紲之苦乃詔諸州獄吏五日 檢視洒掃獄户洗滌扭械貧者給食病者給樂小

決定四事全書 遺矣 喪敗罄竭賴此少濟北漢主決城下水水落而城多 地契丹使者見曰王師若知先浸而復涸則弁人 北漢主籍我所棄軍儲得栗三十萬石茶絲各數萬 豈忍使汝曹蹈必死之地乎衆皆感泣再拜會暑雨 疾疫太常博士李光替上言請班師上覽具奏甚喜 無不一當百所以備肘腋同休戚也我寧不得太原 乃詔班師 九朝編年備要 無

+

六月加賀惟忠官 内有人户賦輸恐歲月間未能下宜于太原及河北 徙太原民萬餘户于山東河南用絳之薛光化之策 **鄧諸州以絕其供饋上納之** 也光化言伐木必先取枝葉今河東外有契丹之助 任仍令兼易定祁等州巡檢使 山東諸處建城寨扼契丹援兵徙其部内人户於襄 知易州上以其捍邊有功遷易州刺史而不易其

大三日草八五百 唐主煜使弟從謙来貢 極盡藩臣之禮不知其他多遜愧謝曰孰謂江南無 見于胙城縣唐水部員外郎查元方掌從謙牋奏上 戚往来先得幸于唐主昭惠既殂當出入禁中至是 日江南竟如何元方飲社對日江南事大朝十餘年 去歳唐主納周氏為后昭惠后之妹也美姿容以姻 命知制語盧多遜燕從謙于館多遜弈棋次謂元方 九朝編年備要

亦不之譴也初議婚禮詔中書令徐鼓知制詩潘佑 與禮官祭定婚禮古不用樂佑以為古今不相沿襲 固請用樂又按禮房中樂無鐘鼓佑謂鉉曰窈窕淑 納以為后具與燕羣臣韓熙載等皆賦詩以風唐主 請各拜佑以為王者婚禮不與庶人同請不答拜了 后先拜後起帝後拜先起之文蓋冠禮所謂母答子 女鐘鼓樂之此非房中樂而何后初見帝北齊禮有 拜者也鼓以為夫婦人倫之本所以承宗祖主祭祀

たとりまれた計司 | 上至自太原 唐主既納周后頗留情樂府監察御史張憲上疏其 非時佑方有罷游希肯奏用佑議尋病疽鉉戲謂 畧曰大展教坊廣開第宅下條制則教人廉隅處宫 車服之制多所駁異議久不決唐主命 車駕之次鎮州也幸道士蘇登房問以養生之術對 曰周孔亦能其子 **苑則多方奇巧唐主獎諭賜帛然終不能改** 九朝編年備要 徐游詳其是 =

金グモノクニー 秋九月初收印契錢 以段思恭知靈州 靈武馮繼業舉族来朝上從繼業領静難以考功郎 我無為而民自化我無欲而民自立無為無欲怕神 令民典賣田宅限兩月輸錢印契 太和昔黄帝唐堯享國水年用此道也上悦厚賜之 日臣養生不過精思鍊氣耳帝王養生則異是老子 中段思恭代之仍詔之曰繼業言靈州非藩帥主之

| 決定四車全書 | 冬十月鳳翔王彦超等罷節鎮 卿等皆國宿舊久臨劇鎮王事鞅掌非朕所以優賢 用趙普之謀也上宴藩臣于後苑酒酣從容詔之曰 蠻酋秦再雄知辰州使自辟吏屬盡與一州租稅再 雄盡库撫経一方以寧 能治也思恭至鎮夷民安之 初門禮辰沅邵五州蠻洞數為邊患上既平荆湖盗 戎人不服雖衛霍名将必見逐矣意謂非我他人不 九朝編年備要 占

置豐州 給西川等路舉人券 從義白重替楊廷璋五人皆罷 山南荆湖等路往還給券 子承美知州 契丹酋長王甲來降置豐州以處之未幾甲卒以其 之意也彦超喻上古即自陳請老于是及武行德郭 月以李昉盧多遜直學士院

次定四車全事 一 是成契丹私其主舒鸣伯父之子明紀立 **檀束之藏于精新中由是得免及即位嬰風疾國事** 為尚書令封魏王每朝必命坐議國事納守與女雅 挾刃弑之舒唱立凡十九年諡穆宗號大順皇帝無 雅為皇后初烏雲與妻同日遇害明紀年九歲有以 更名賢改元保寧以高勲守政事令封秦王蕭守與 子諸部迎立天授皇帝為雲之子明紀號天替皇帝 舒鳴性嚴急會醉索食不得欲斬危人危人因進食 九朝編年備要

**庚午開寶三年** 春正月修河堤 詔舉孝悌徳行 三月賜貢士累舉人出身 唐國具越漳泉奉正朔南漢大寶十三年北漢廣運 諸州滿五千户聽舉一人奇才異行不限此數 三年 皆雅雅決之太平與國四年明紀改元乾亨

召處士王昭素對 謝不能上令講乾卦至九五飛龍在天則斂容曰此 時年已七十餘上問日何以不仕致相見之晚昭素 具名以聞至是籍列司馬浦等一百六人並賜本科 出身此初行特奏名恩例也 昭素酸聚人也少篤學有志行上聞具名召見便殿 爻正當陛下今日之事引援證據因示風諫微旨上 初詔禮部貢院閱貢士及諸例十五舉以上終場者

とこり国人にす

九朝編年備要

大

金厂户是人 夏四月卒夘朔日有食之 五月置便錢務 除河北鹽禁 愁上爱其語當書屏几間留月餘數求歸乃命以國 甚悦訪以民事昭素所言誠實無隱上益嘉之又問 任商旅貿易收其征 子博士致仕年八十九乃卒于家 治世養身之術昭素日治世莫若愛民養身莫若寡

秋七月省州縣官增其俸 火定四車全書 一 月加李謙溥官 券于左藏庫仍詔諸州候券至即給之 給之至是始置務于京師今入錢者即日辇致而受 謙溥為刺史在隰州十年敵人不敢犯其境上令加 死力北漢乃為蜡彈書以間之謙溥請以舉家四十 團練使部將劉進者勇力絕人謙溥待之甚厚得其 取唐朝飛錢故事許民入錢于左藏庫以諸州錢 九朝編年備要

修前代帝王陵 九月命潘美伐南漢 者上始決意討之美進拔富州賀州昭州桂州所至 初上間南漢主劉銀奢侈殘酷曰吾當於此一方之 民然猶未欲遽加以兵乃命唐主諭之竟不聽囚其使 口保具無他上釋之今自効 **克捷以次下連州韶州雄州美州** 詔諸道檢校歷代帝王陵寢至是西京鳳翔及雄

冬十一月減冶金額 陵并曾經開發詔每帝製造禮衣一副常服一 祖太宗肅代德順文武宣懿僖昭十二宗凡二十七 棺椁重葬仍令各處長令致祭 耀等州奏周文成康三王秦始皇漢高祖文景武元 成哀七帝後魏孝文西魏文帝後周太祖文帝唐高 納不易詔減舊額三分之一 上覽桂陽軍歲入白金數曰山澤之利雖多頗聞採 九朝編年備要 一襲具

飲定四庫全書 一

契丹入冠田欽祚敗之 萬捷奏至上喜謂左右日敵數犯邊我以二十匹絹 出是夕至保塞軍中不亡一矢北邊傳言三千打六 初契丹六萬騎冠定州欽作領兵三千禦之上謂欽 之數日欽祚度城中糧少整兵開南門突圍一角 祥曰彼衆我寡但背城列陣以待之敵至即戰勿與 迫逐欽祚與敵戰蒲城敵騎小却乗勝至遂城敵圍 敵人首其精兵不過十萬人止費我二百萬匹

次定四車全書 -春二月潘美克廣州劉銀降南漢平 卒未開實四年 十二月修河堤 絹則敵盡矣自是益修邊備 銀先遣使乞降美因諭以上意以為彼若能戰則與 是歲南漢平唐國吳越漳泉奉正朔北漢廣運四年 不能死則亡非此五者不得受使者泣即部送赴闕 之戰不能戰則勸之守不能守則諭之降不降則死 九朝編年備要

夏四月以潘美尹崇琦同知廣州 詔特放選 得州六十縣二百四十户十七萬 承制釋之有閱人五百餘輩盛服請見悉命斬之凡 谷堅壁以待美用火攻大破之遂至廣州銀出降美 **美討平諸為亂者鎖表遂安** 以州縣闕多員少故也仍聽超折注擬 **承幾銀復遣其弟保與率衆拒戰銀衆十五萬阻山** 

五月獻南漢俘 権翁南鹽弛酒麵禁 赤心置人腹安有此事取其酒自飲別酌以賜銀 詔除衛南苛政堆鹽許官賣以佐州縣之費 昭昭卧病口占以授使者遂用之 初議其禮朝臣莫能知乃遣使問吏部尚書致仕張 上青銀及覆及焚府庫之罪銀歸咎襲澄樞李托等 上青賜銀酒銀疑不敢飲捧盃乞貸死上笑曰朕推

欠三日子八百

九朝編年備要

宇

金グモノショ 秋七月劉温叟卒 六月置廣州市舶司 五百千遺之温臭不敢却受而封之及卒上日必得 純厚如温患者乃可遂命邊光範兼判御史臺事居 厚方正好執禮事繼母孝皇弟開封尹光義當送錢 温史為中丞十二年上難其代終不許解職温史重 命知州東之 詔誅之而釋銀尋封銀恩杖侯

てたり ヨーといか 温史一日晚歸過明德門西闕前上方與中黃門 鑒戒之微肯自是亦不復召炯矣 我擒所以召炯欲驗之耳温史謝曰臣愚不識陛下 頃聞孟昶君臣溺于聲樂炯至宰相尚習此技故為 見諫曰禁署之職典司誥命不可作伶人事上曰朕 檢束雅善長笛上聞召至便殿奏曲温曳叩殿門求 初上以亡蜀故相歐陽炯為翰林學士炯性坦平無 半成始為中丞 九月扁年備要 Í

金グロをノアル 减廣南租耗米 是年右補關梁周翰上疏請寬民力其畧曰西蜀淮 使王明上言乃革之每石翰耗二升 初劉録私制大量重飲于民每石凡輸一石八斗運 故示衆以陛下非時不登樓也上善之 南荆潭桂廣之地皆已為王土陛下誠能以三方所 主非時登樓則下必希望恩賞臣所以呼等而過 益樓温史知之令傳呼依常而過翌日請對且言 卷二

欽定四庫全書 | 冬十月癸亥朔日有食之 八月詔却尊號 致倘便以成功自大寔所難安表再上訖不允 羣臣請加與化成功答曰予雖以與化為心未能力 知之遽上表謝上不悦具命遂寢 嘉納其言初上以周翰有文辭欲用為知制語周翰 得之利減諸道租賦之入則德澤均而民力寬矣上 月唐主煜使弟從善来貢之去唐號 九朝編年備要 主

憲府翰林為脩文館樞密院為光政院從善從鎰從 門下為左右內史府尚書省為司會府御史臺為司 皆駭服上欲經理江南遂留從善不遣未幾加從善 泰寧節度煜聞之大懼始損制度下令稱教改中書 日大國之體不可自為削弱 當使之弗測及從善 改印文為江南國主乞賜詔呼名從之先是唐以銀 入貢常賜外容齊白金如遺普之數江南君臣聞之 五萬兩遺宰相趙普普告于上上今受之普辭讓卜

次定四車全書 九朝編年備要 具越王俶使子惟濬来貢 咸貢 發書夏不知上笑曰彼謂國家事皆汝書生耶因命 肇 朝廷忌唐南都留守林仁肇威名用計問之唐殺仁 謙皆降封國公上使從善致書風煜入朝不從但增 一命改之則滿貯皆瓜子黄金也普惶恐謝曰臣未 一當幸趙普第時具越方遣使遺普書及海物十瓶 14-16

|癸未郊 廢川班内殿直 大赦 等至是郊禮行賞上以御馬直扈從時命增給川 普謝而受之 内殿直援例擊登聞鼓陳乞上怒曰朕之所與即 初用繡衣鹵簿 上擇蜀兵百餘輩為川班内殿直原給與御馬直 班

欠三日車人三百一 時內臣有李承進者速事後唐上問曰莊宗以英武 歎曰二十年夾河戰爭取得天下不能用軍法約束 所欲給之蓋威令不行賞資無節因以兆亂上撫 定中原專國不久何也承進曰莊宗好畋獵務姑息 隷諸軍遂廢其班 此輩縱其無厭之求以茲臨御誠為兒戲朕今撫養 每出次近郊禁兵衛卒必控馬首希求恩賞即隨其 恩澤又安有 例哉命斬其妄訴者四十餘人餘悉配 九朝編年備要

金ガレノ **壬申開寶五年** 河決澶州 士卒固不吝惜爵赏的犯吾法惟有劍耳 至此盖普報私怨耳 普由是憾之後竟坐法誅投其尸于河人謂恕罪不 普關者不即為通恕怒而去普亟使人謝焉恕不反 恕坐棄市知州杜審肇免官恕初為開封判官謁趙 東滙于軍濮壞民田盧上怒官吏不即以聞通判姚

免記可華 私言 省嶺南郡縣 春二月制放取士榜 夏四月大水 遣使分視民田 已至是禮部試列進士安守亮等十一人及諸科 初歲取進士不過十數人知貢舉奏合格人姓名而 七人上召對講武殿始下制放榜新制也 江南具越漳泉奉正朔北漢廣運五年 九朝編年備要 孟

金レーノ 出宫人 五月廢媚川都 河大決濮陽 霖雨 罷之 都咸溺死者甚衆銀所居皆飾以玳瑁珠翠至是詔 先是劉銀于海門鎮募兵能探珠者三十人號媚 **木幾又決朝城決陽武汴水亦決** 11 卷二 )1[

いっていいないという 禁鋪翠 六月塞河決 宿以来焚香上禱于天若天災流行願在朕躬勿施 措得非時政有關使之然耶趙普謝曰陛下憂勤庶 于民又當語宰相曰霖雨不止朕日夜焦勞罔知 命曾翰董其役上詔翰曰霖雨不止又聞河決朕信 幽閉者衆昨遣百五十餘人歸其家 務若雨為灾乃是臣等失職上曰朕久思之恐掖庭 九朝編年備要 主 所

金グログノニー 富官殿悉以金銀為飾力亦可辨但念我為天下守 髙小民还利展轉販易傷生浸廣夏汝之由主慙謝 財耳豈可妄用古稱以一人治天下不以天下奉 主义嘗因传坐與皇后因言曰官家作天子日久豈 此與我自今不復為此節主笑曰此所用翠羽幾何 皇女承慶公主嘗衣鋪翠襦入宫上謂主曰汝當以 上曰不然主家服此宫闡戚里必相效京城翠羽價 不能用黃金装肩與乘以出入上笑曰我以四海之

以李符為京西轉運 秋八月廣南僚賊反遣內臣李神佑督戰平之 符先知歸州轉運司制置有不便者符即上言上嘉 有南初下所在盗起演海為亂尹崇琦擊之上遣神 到處似朕親行八字賜之符前後條奏便宜凡百餘 祐督戰未幾盡平其黨內臣督戰始此 之至是上以京西諸州錢幣不登故任之上書李符 尚以自奉養為意使天下之人何仰哉

大江日十八十二十一

九朝編年備要

Ē

李崇矩罷 金げんしたとい 九月乙已朔日有食之 崇邦與趙普厚相交結以其女妻普子承宗上聞之 條其四十八事皆施行着于今 不悦先是宰相以樞客使候對同止廬中上始令分 異之有鄭伸者客崇矩門下僅十年崇矩知其 無行待之漸薄伸乃誣告崇矩受舉人金為私託 知舉扈蒙引劉審瓊為證審瓊對上言其誣上

欽定四庫全書 ~ 更漕運法 盡率民船以資江淮漕運上大怒切青三司楚昭輔 **請皇弟光義泣告乞于上前解釋稍寛其罪使得盡** 先是三司言倉儲月給只及明年二月請分屯諸軍 以為不素計度首有所關必罪爾以謝衆昭輔惶懼 繼昌獨召見與金時人稱其長者 伸死具母貧餓請崇矩子繼昌乞丐家人競前訴逐 稍解崇矩遂罷賜伸同進士出身為酸聚縣主簿後 九朝編年備要

則歲可增一運矣又聞三司欲籍民船若不許則無 里舊定八十日一軍一歲三運令去其淹留之虚日 卒令即時出納如此每運可減數十日楚泗至京千 故多留滯若自起發即計日併支必可以青具程限 又楚泗問運米入船至京師拳米入倉宜各宿備運 以青辨若盡取用之則冬中京師新炭殆絕不若募 糧運停阻之由良以舟人日食必于所悉州縣勘給 力光義以問牙將陳從信對曰從信常游楚四間見

萬石張治因為上言汴水疏鑿之由曰惠民金水五 汴河及黃河惠民河廣濟河歲運栗共止二百五十 大汁水等四渠派引脉分會于天邑舳艫相接瞻足 倉儲無乏昭輔亦免責馬 私俱濟又言市中米貴官乃定價斗錢七十商買以 其不獲利而不至富家亦復閉雅光義然之具以告 其船之堅實者令運糧其損敗者任民載熊新則公 上悉從其言由是蔡汴兩河漕江淮米十萬至京師

钦定四庫全書 九朝編年備安

使事 是歲嚴階級法 大饑冬十一月命恭政薛居正等提點諸路水陸轉運 指揮使至員寮各依職次一階一級全歸伏事之儀 詔諸禁軍将校有帶邊郡者許以客禮見自餘廂都 司荆南劍南 居正兼提點三司淮南湖南嶺南日餘慶兼提點三 京師以無匱乏 大三日華人馬 一 三月周鄭王殂于房州 春正月修河隄 **癸酉開宵六年** 月販曹州飢 恭帝 運京師米二萬石以販之 江南具越漳泉奉正朔北漢廣運六年 一發哀輟視朝十日命還葬慶陵之側曰順陵諡 曰 九朝編年備要

初御殿親武舉人 李瑩等為考官得進士二十六人五經四人開元禮 得三百六十八皆召見擇其一百九十五人并準以 七人三禮三十八人三傳二十六人三史三人學究 會有人訴昉用情取人上乃令籍終場下第人姓名 李昉知舉取宋準等十一人上以進士武濟川三傳 下乃御講武殿各賜紙礼别武詩賦命殿中侍御史 劉審材質最陋出去之濟川者助鄉人也上頗不悦

and sult to said the 行開寶通禮 夏四月限度僧法 初御史中丞劉温史等上開寶通禮二百卷至是翰 司施行改鄉貢開元禮為開寶通禮並以新書試問 林學士盧多遜等上開寶通禮儀纂一百卷詔付有 諸州僧不及百人者每歲許度一人 會尋防等皆坐責自然殿武遂為常式 八人明法五人皆賜及第又賜錢二十萬以張宴 九月高年衛要 主

金グセアノニー 盧多遜使江南 是威江南主殺其臣潘佑李平佑為內史舍人平為 厚農桑因請復井田之法深抑兼并有買貧者田哈 狀上嘉其謀始有意用之 經獨關江東諸州願各求一本于是江南之十九州 及還熊舟宣化口遣白其國主日朝廷重修天下圖 尸部侍郎最相親善佑當言于國主曰富國之本在 地理之遠近户口多寡多遜盡得之歸言江南可取

沙之四事主書 一 禁紂孫皓國主大怒使按治之皆自殺佑初與張泊 桑薦平判司農寺以督之符命行下急于星火百姓 大擾國主遂詔罷之佑疑執政沮已乃悉該大臣請 比清輝殿在苑中國主不欲泊遠離左右故授此職 泊頗有力馬泊時為清輝殿學士条預機密思罷莫 為忘形之交其後俱為中書舍人稍相傾軋佑之死 誅 宰相湯悦等數十人又抗疏斥國主以為不及 今歸之又依周禮造民籍造牛籍使盡闢曠土以種 九朝編年備要 圭

五月以馮炳判御史臺 嚴堂後官選 簿尉充之而有司所送終不及數乃召舊任者四人 中書客院乃同散地 札中肯多自澄心堂出遊從子元橋等出入宣行之 面加勘勵令復故 泊與臨汝郡公徐遼義安郡公徐遊別居澄心堂客 上知堂後官擅權多為好贓欲更用士人命送令録

歷任清白能折獄者為之秋滿免 選赴年尋又詔諸 新及第人為司冠条軍 庶獄至是改用士人又改諸州馬步院為司冠院以 京城左右軍巡院典司按對舊選牙校任之上哀於 召炳謂曰朕每讀漢書見張釋之于定國治獄天下 無冤民此所望于汝也賜金紫以勉之 太宗太平與國五年改司冠祭軍為司理祭軍令逐 上留意聽斷專事欽恤御史大理官屬尤加選擇當

Property Astron

九別為年備要

授交趾丁連靜海節度 金少せなる言 謹州刺史丁部領與其子連統兵三萬破處坪等自 領交州境内以安其民德之乃推部領為帥號萬勝王 都該乾德初昌文死其条謀吳處坪與諸将爭立攝 州察具不職者以名聞旅匿不舉者罪之 七年矣聞上平定衛南懼而上表求內附詔以連為 初交趾具昌文世受南漢爵命為靜海節度使安南 私署其子璉為節度使部領立三年璉襲父位至是 卷二

钦定四庫全書 減西川折帛價 六月御便殿閱試吏 趾王 官所收止依舊例上慮其傷民詔準市價 召見百司更七百餘人親加閱試物歸農者四百餘 靜海軍節度使安南都護及八年秋封建父部領京 初蜀民所輸兩稅皆以足帛折充其後市價愈高而 九朝編年備要 喜

秋七月以平仲甫為三司户部判官 今宰執同議政更知印押班 賜錢百萬初上問趙普曰儒臣有武幹者何人普以 其禍朕今選儒臣才幹者百餘分治大藩縱皆貪濁 所償仲甫奏除之又請百官折俸令給寔直 餘輩通歲課三十餘萬稱連年械繁死者數人終無 亦不及武臣一人也至是用為三司時三司吏三十 知彭州辛仲甫對上因謂普曰五代方鎮殘虐民受

次定四車全書 -八月趙普罷 領河陽三城節度使同平章事先是有劉偉者雖經 泄遂有告者禽百餘人悉就戮 軍謀以長春節宴集日作亂仲甫初未之覺因出近 華爾有文武才幹是用命爾仲甫既至州兵誘屯戍 郊見場中草深恐藏伏好隱悉命烧雅之其黨懼謀 初上以仲甫知彭州謂之曰蜀土始平怙侈之俗未 一任而失其解由偽造印得送銓又乾德中趙孚 九朝編年備要 Ī

普徐拾奏歸補綴以進上悟乃可具奏後果以稱職 普成之悉下御史獄暫寔上始有疑普意詔祭知政 聞又有立功當遷官者上素嫌其為人不與普力請 欲除其人為某官上不用明日又奏之上怒裂其奏 獨相二十年沈毅果斷以天下為已任上倚信之當 事品餘慶辞居正陛政事堂與宰相同議政事未幾 授西川官稱疾不之任雷德驤之子有鄰上章言皆 又詔與普更知印押班奏事以分其權至是罷相普

欠三日三二十二 九月吕餘慶罷 由此 閣中凡表疏意不可者投諸壺焚之其多得該各殆 普立于宫門良久不去上卒從之普常設大瓦壺于 陛下安得以私喜怒專之上不聽起普隨之上入宫 以疾解職遷尚書左丞餘慶上霸府元僚趙普李處 **耘先進用餘慶恬然不以介意及處耘與普得罪餘** 之上曰朕故不與遷官奈何普曰刑賞天下之刑賞 九朝編年備要 卖

冬十二月頒循資格 以辞居正沈義倫同平章事 光義封晉王 金にノレ 人 とき 吳越漳泉奉正朔江南只稱甲戌北漢廣運七年 戊開實七年 盧多遜等重修自是銓選有倫矣 慶悉為明辨時稱長者 月與辰朔日有食之

and the Desire Little 秋九月命曹彬伐江南 夏四月遣使按廣南民田 初上命有司造大第號禮賢定以待李煜及錢做先 稱古 骨黃中廉直平恕遠人便之使還奏利害數十事皆 来朝者賜之乃相繼遣梁迎李穆使江南諭旨令煜 謂彬日南方之事一以委卿切勿暴掠生民務 朝煜辭疾不至而繕守備乃命彬及潘美等伐之 九朝編年備要 圭

金がたんでき 學士召試賜及第遣使往荆南如若水之策造大艦 做出兵夾攻之彬尋克池州做克常州 殺人上每恨之彬性仁厚故專任焉仍命具越王錢 而下不用命者斬之諸将皆失色自王全斌平蜀多 威信使自歸順不須急擊也且以匣劔授彬曰副將 魚米石江上以絕度江廣狹詣關陳取江南策上令 初江南人樊若水舉進士不第上書言事不報乃釣 為浮梁以齊師

12 Cal Dead Little 冬閏十月江南主煜使弟從鎰来貢 初命輔臣專記時政 請罪上嘉其得禮命李穆送從鎰歸其國手詔之促 國主來降且令諸将緩攻以待之 上留之不遣及江南捷書累至草臣入賀從鎰奉表 事必命起居即舍人執筆五殿側以記時政故太宗皇 史館修撰扈蒙上言昔唐太宗每開延英召大臣論 録令最詳備後唐明宗亦命端明殿學士及樞客直 九別編年備要

契丹邊臣貽知雄州孫全與書言狀全與以聞上命 委寄臣及祭知政事每月輪知抄録送史館以撰日 學士輪脩日歷送史館近来每季雖有內庭日歷樞 歷詔從之命盧多遜專其職 客院録送史館然所記者不過對見解謝而已自今 凡有裁制之事優邱之言發自宸東可書簡策者并 全與若書許之 一月契丹請和

金少日月八十

アノアンロミニ人は古 是歲占城大食國來貢 乙亥開寶八年 常昌水却奪商旅其衆漸盛割據波斯之西境自立 同前世不與中國通周顯徳中始遣使朝貢自後遂 大食波斯之别種也大歷中有波斯胡糾合亡命 以為常 占城在中國西南與雲南直膳為鄰具風俗與大食 為王大食其王之氏也 九朝編年備要

春正月曹彬圍金陵 金三人工是人 七人初李景之割江也雄為江南義軍首領拒周有 是歲江南平吳越漳泉奉正朔北漢廣運八年 同行者亦没于他陣彬遂進圍金陵 功歷表汀二州刺史至是為統軍使戒諸子曰吾必 彬遣田欽祚敗江南軍于溧水斬其統軍張雄等十 死于國難爾曹其勉之是役也雄父子八人偕死不 江南朱今贇自湖口以衆入援號十萬順流而下

**飲定四庫全書 暫朝夕至金陵之圍解矣乃客遣使令明於州浦間** 時江水淺涸不利行舟令質獨東大航建大將旌旗 會北風甚火及及之其眾大清遂生擒令資等金陵 至皖口步軍都指揮使劉遇急擊之令督縱火拒戰 多立長木若帆檣之狀今衛望見疑有伏即稍逗遛 焚采石浮梁王明率所部屯獨樹口遣具子馳入奏 獨恃此援于是孤城愈危壓矣 且請增造戰船以襲令衛上曰此非殺急之策也令 九朝編年備要 罕

二月親試舉人 者昼科名級多為勢家所取今朕躬親臨武盡革畴 時王祐權知貢舉扈蒙梁周翰雷德驤並權同知同 知貢舉始此上引王祐所奏合格舉人因語之日向 關志具越兵初至營壘未成左右請出兵攻之澄不 事藩邸國主尤親任之乃擢為潤州留後澄至鎮無 從聞金陵圍急遂以城降 王師初起江南以京口要害當選良将以守劉澄舊 とこりらんは 夏四月衛徳仁遷太樂署令 契 八丹來聘 教坊使衛徳仁以老求外官且援同光故事乞領郡 擬上州司馬上曰上佐乃士人所處資望甚優亦不 嗣宗初受秦州司冠祭軍 昔之與於是出詩賦題覆試得王嗣宗等三十一 上曰用伶人為刺史此莊宗失政豈可效之耶宰相 輕授此輩但當于樂部遷轉耳 九朝編年清要 2

彗出柳 六月河決頻丘 金グレアノー 初通使契丹 九月畋近郊 秋七月辛未朔日有食之 命塞之 長四丈晨見東方西南指思與鬼距東壁九十 八十三日乃滅

次定四軍全書 ! 冬十月修西京宫闕 而止李穆既還上復命諸將進兵及潤州平外圍愈 從鎰至江南諭上古李煜欲降陳喬張泊廣陳符命 始 得州十九軍三縣一百有八户六十五萬五千初李 上因逐兔馬蹶而墜自是不復獵矣 月曹彬充金陵李煜降江南平 為金陵之固易守難攻北軍旦夕當自退矣煜疑 謀西幸也 九朝編年備要 四土

罪但天下一家卧榻之側豈容他人鼾睡乎兹惶恐而退 急始遣徐銓入貢求緩兵大臣言兹博學有才辨宜 來冠命使亟還語彬等併力速成之不然將為所東 先是彬等列三寨上曰此宜保溝自固南人必以夜 罪解氣益厲上怒按劍謂鼓曰不須多言江南亦有何 子為兩家可乎越不能對越還尋復入奏言江南無 有以待之上笑曰第去非爾所知既而鼓至言煜以 小事大如子事父其説累數百言上徐謂曰爾謂父

飲定四車全書 **■** 終欲降之故每緩攻累遣人告李煜曰某月某日城 必破宜早為之所不聽一日彬忽稱疾不視事諸将 彬等縱其至乃徐擊之皆殲焉 **承命自督丁夫掘塹塹成江南人果夜出兵襲北寨** 初金陵被圍自春祖冬勢愈窮蹙上因使者諭彬以 賜使者食且詔樞客使楚昭輔草詔使食畢即行楊等 来問疾彬曰諸公若共為信誓破城日不妄殺一 勿傷城中人若猶困關李煜一門切無加害於是彬 九朝編年備要 7

撫養之攻城之際必有横雅鋒刀者此實可哀也即 無所問及還舟中惟圖籍衣食而已捷書至屋臣入 疾愈翌日城陷彬整軍至于宫城李煜奉表納降與 詔出米十萬石脈城中饑民 賀上泣謂左右日宇縣分割民受其禍思布聲教以 大夫皆賴彬保全倉康府庫委轉運使按籍檢視 則彬之疾愈矣諸将皆許諾遂相焚香約誓彬乃稱 其羣臣迎拜于門彬安慰之中嚴禁暴之令士 卷二 こうから はない ロック 請死曰書臣之所為然大吠非其主此其一爾他尚 乃王師圍城泊所草召江上秋兵蠟彈書也泊封首 青張泊日汝教李煜不降使至今日因出帛書示之 問其他上曰忠臣也事我如事李氏賜坐撫慰之又 属丝對日臣為江南大臣而國滅亡罪固當死不當 其子弟大臣召見徐鼓責以不早勘煜歸朝聲色甚 曰煜嘗奉正朔非銀比也乃封煜為違命侯而録用 曹彬遣使送李煜至闕有司議獻俘之禮如劉銀上 九月編年箭气

金グレノと 納之 謂曰卿大有膽朕不罪卿今事我無替即爾之忠也 多今得死臣之分也辭色不變上欲殺泊及是奇之 初泊在江南與陳喬同建不降之策及事急又相要 以鼓為太子率更消為太子中允鼓質直無矯飾故 乃曰臣當俱死但今陛下入朝誰與辨明此事所 子弟及親族之孤貧者来依鼓鼓必分俸開館以 同死社稷然泊實無死志入見國主喬引处自殺泊

Jan Branco Grand 城降江州刺史謝彦賓集眾謀納款指揮使胡則謂 初昇州既破曹彬命李煜手書告諭統內州縣皆以 其下日吾屬世受李氏恩安可員之刺史不忠欲背 初江南主以徐元稱刀行為内殿傳詔邊書告急元 死勤政殿學士鍾倩朝服坐于家兵及門舉族死之 不死者将有所待也 江南将高彦馬承信及弟承俊俱率數百人力戰而 橋等匿之北軍屯城南十餘里江南主猶不知也 2月二 二、

金好四库全世 訴發怒屠城死者數萬人投尸井坎既淌餘棄江中 初上命右補關張霽知江州與翰偕来既入城兵掠 斬之并殺宋德明 賓彦賓逃簷雪中執而殺之據府第號令驅迫丁壯 國爾曹能從我乎衆皆聽命過與同列宋德明等攻於 日夜守禦曹翰圍之屢遣使招諭則不從城陷翰責 民家家訴于霽霽按誅翰兵翰以江民拒守又念其 之數其拒命之罪對曰大吹非其主公何怪也翰腰 卷二

置渭州保殺軍 悉取之 即所謂義軍也咸平五年始置管弁為禁軍 自置馬者免役逃死者以親屬代馬蓋因廣順之制 潘原二縣民治城溱因置保殺弓箭手分鎮城寨能 周廣順中點秦州稅戶充保殺軍是歲發渭州平凉 獨樹浦值大風不能渡至既屠矣民家財貨鉅萬翰 先是上聞江州垂破遣使持詔論翰母殺戮使者至

欽定四庫全書 一

九朝編年備要

四六

春二月詔却尊號 領宣巖北院使 以曹彬為樞密使領忠武節度以山南東道節度潘美 丙子開實九年 始彬歸自江南詣閣門進榜子云奉勅差往江南勾 賞平江南之功也樞密領節度節度領宣戲自彬美 初請加一 具越漳泉奉正朔北漢廣運九年 一統太平以無晉未平不許

次定四車全雪 一 者動尾存其街而不署倒注使字 班餘官則級本官班正衙見謝則押班凡定制除受 相唐制皆署初五代以来不預政事朝會親王則分 亦不過多得錢耳何必使相也 更為我取太原因密賜錢五十萬彬退而數曰好官 初彬之行上許彬以使相為賞及還語彬曰始徐之 當公事回時人多其不伐 凡以檢校官兼中書令侍中同平章事者並謂之使 九朝編年備要 型も

加作坊使魏丕官 吳越王做来朝 皆有常課作坊所造兵器每旬一進上必親閱之列 也做益感懼 緘甚固日途中宜客視及改之皆羣臣乞留似奏疏 加代州刺史仍典作坊時京師有作坊諸州有作坊 五庫以貯馬尋又分作坊為南北别置弓弩院初 命居禮賢宅罷資甚厚做辭婦國上賜以一黃祇封

クススノロ・面上ノーナー 夏四月庚子郊大赦 三月上如西京請安陵 者先期諭肯令治兵器無不精辨舊床子弩射止七 坊副使丕在職甚盡力居八年乃遷正使凡有征討 都民垂白者相謂曰我輩少經亂離不圖今日復睹 即位當召丕謂曰作坊積獎爾為我修整之即授作 太平天子儀衛有泣下者 百步丕增造射至干步 九月編年情要

金少でたん 以楚昭輔王仁瞻分領宣凝南北院 上至自西京 姑從之百年天下民力彈矣 河之勝而去冗兵耳因謂左右曰晉王之言固善今 書陳八難晉王亦言非便上曰遷河南未已久當遷 八月命党進等代北漢 長安晉王叩頭切諫上曰吾將西遷者無他欲據山 上生于洛陽樂其風土意欲留居之起居郎李符上

冬十月癸丑上崩于萬歲殿 2.10 1 July 11 11 袓 市不易肆惟王彦昇專殺韓通雖以佐命不加誅而 上年五十在位十七年諡曰英武聖文神徳廟號太 即命樞密使副兼領院事 昭輔時為樞密副使王仁瞻判三司自後宣微使闕 終身不與旌鉞專務抑奪諸侯爱養民力常衣幹濯 上仁孝豁達有大度陳橋之變迫于衆心自入京 師 九月扁年情要 乳

金万里屋八里 或不奉詔上之受禪也異姓封王及帶相印者猶不 開寶中狩于近郊當逐走兔馬蹶而墜因引佩刀剌 侯勢輕禍難不作矣晚節好讀書嘗歎曰堯舜之世 强盛每移鎮受代皆先命近臣諭旨仍發兵備之尚 正色日爾不記居夾馬營中時即自五代以来藩鎮 之衣寝殿青布緣葦簾皇弟光義言服用太樸素上 四山之罪止從投竄何近代法網之客耶然好弋獵 下數十人上漸削其權專命儒臣分理郡國自是諸

數幸其府恩禮甚厚當疾病殆不知人上亟往視親 晉王性仁孝上雅鍾爱之尹京十五年無務修舉上 萬末年有州二百九十七户二百五十萬 息上乃還疾良愈復往視之賜以龍鳳檀棒又嘗宴 為灼艾王覺痛上亦取义自矣自辰至酉王汗治蘇 罪也自是不復獵元年有州一百一十一户九十六 馬殺之既而悔日吾為天下主而輕事畋游非馬之

次定四車全書 九朝編年備要

五十

官中王醉不能乗馬上起送至殿階親掖之間謂近

甲寅皇弟晉王即皇帝位尋改名灵 命皆托于官家晉王曰共保富貴莫爱也 芳繼恩徑召晉王后見晉王愕然遽呼曰吾母子之 臣曰晉王龍行虎步且生時有異必為太平天子福 上崩時夜漏四鼓或云宋皇后使王繼恩召皇子德 遜避之狀既而上引柱斧戳地大聲曰好為之癸丑 其言左右皆不得聞但遥見燭影下晉王離席若有 **德吾不及也至是上不豫壬子夜召晉王屬以後事** 

節度使 次定四車全里 大赦 以薛居正沈義倫為左右僕射盧多遜中書侍郎並同 李漢超郭進加觀察使 章事曹彬同平章事 以皇弟廷美為開封尹封齊王皇子德昭封郡王德芳 具稱詔與王石魏氏三公主皆依舊稱皇子皇女 德昭德芳太祖子也上友爱尤篤不欲其與上諸子 九朝編年備要

及長擇良配嫁馬在洛州日城四面悉令種柳據中 使訪竺氏婦時已死家县困得具女撫養之如己子 進守西山凡二十年少貧賤無賴依鉅鹿富人家富 立碑頌德詔太子率更令徐趁為之文與士卒絕甘 漢超在徐州十七年為政簡易吏民信爱嘗詣闕請 雜植荷芝蒲章後益繁茂州人見之有泣下者日此 分少及其死軍中皆流涕 人子欲殺之其婦竺氏潜以告進得免及為邢州郡

禁增場務課 追册尹氏淑德皇后符氏懿德皇后 たこり見いよう 今轉運以三科察舉 郭公所種也 政績尤異為上格居官次職務粗治為中臨事弛慢 詔場務不聽商人添額買 所益無状為下歲終以聞 月罷奉户 九別編年情要

金にプロークノニー 以張泊直舍人院 弟仙立 直舍人院始此 九朝編年備要卷二 **教改太平與國元年** 昭死 之三司置副使始此


欽定四庫全書九朝編年備要卷三

詳校官編修臣謝振定

侍讀臣孫球覆勘

校對官修撰臣具錫齡 總校官檢討臣何思釣 磨録監生 丁 緯

ったいりつこんはい 九朝編年備要 撰



文三丁三三三 閏月諸州上閏年圖 諸路大水 秋七月 河決温縣 
兵太祖於永昌陵 尋又決榮澤決頓丘又次白馬命塞之 故事三年一令天下貢地圖與版籍國初以関為限 所以周知天下山川險易戸口衆寡 **祔廟以孝明皇后王氏配** 九朝編年備要

令支郡得專奏事 九月嚴私鑄禁 月陳洪進來朝 天下節鎮無復領支郡者矣 代節鎮皆有支郡太祖平湖南始令潭朗等州直屬 從知懷州高保寅及右拾遺李翰之請也始唐及五 京大縣屯兵亦有直屬京者與元之三泉是也至是 錢以七十七為百私鑄小錢者死每千錢必及四斤

やもりちたらう 歲鑄六萬貫江南平增冶匠亦不過七萬貫及張齊 銅鉛錫之所用唐開元銭料歲鑄三十萬貫每歲雖 半以上禁江南私小錢悉令送官給其直 初李氏 運使李溥言饒杭池江四州錢監每歲共鑄錢一百 增數倍錢稍麗惡矣真宗大中祥符九年夏江東發 賢為轉運使言民間苦銅錢難得因訪饒信處州産 定額真宗曰嘗記咸平中陳恕以江南銅多請官少 二十萬貫用銅四百五十二萬斤採取既多望酌中 九朝編年備要

容州初貢珠 別 產珠仍置官掌之至是始貢珠百舶賜預擔者銀帶 收數倍本州亦欲少種不逾年两旱驟減舊額是知 衣服 自廢媚川都禁民采珠未幾官復自采容州海治亦 大地所育皆貴濟用豈人心可料其增損耶 不幾銅 礦漸火迄今常苦不豐如解池鹽景徳中所

上屬意戎事每朝罷即親閱禁卒潘衛之士益以精 盛近代無比上甚悦遣使以金带賜之曰此朕藩邸 御馬直日御龍直鐵騎日日騎控鶴日天武龍騎日 所服者也楊信即楊義也避上名改馬 指揮使鶴瀚更董之士伍綿亘二十里瀚執五色旗 强刀命築講武臺於城西之楊村至是大閱上登臺 以號令每按旗指揮則千乗萬騎周旋如一甲兵之 而觀初命楊信董其事以信病瘖刀命天武右廂都 川局 一品 是春改簇

是歲物尼國來貢 金定匹庫全書 十二月嚴私礬禁 冬十一月丁亥朔日有食之既 薄色微緑長數尺而潤寸餘横軸僅盈掌握以數小 渤尼前代未管與中國通其章表非紙類木皮而尝 **礬至三斤私煮及鹽至十斤者並棄市餘論罪有差** 龍衛虎捷曰神衛日騎後改曰捧日 有司言官嚴醫幾不充善貫請嚴其禁語私販化外

二月置崇文院 戊寅太平與國三年 春正月開寒漢漕渠 Jack and John ! 是歲吳越潭泉約土北漢廣運十一年 發唐鄧民夫及諸州卒數萬人開之直抵京師渠成 而水不行 言譯之皆尊慕本朝之意 囊重複緘之其字細而橫讀之不可識記象胥以並

金定四库全書 夏四月置諸路轉運判官 三月吳越王俶來朝 陳洪進獻漳泉二州 史館書六庫書籍正副本凡八萬卷 更置三館賜名崇文院盡遷舊館之書以實之南廊 萬八千加洪進平章事子文顥文項為刺史尋復以 為集賢書東廊為昭文書西廊四庫分經史子集為 用其幕僚劉昌言之計也得縣十四户十五萬兵 卷三

五月吳越王錢椒獻其地 河決獲嘉 文で可られる 草冠十餘萬來攻城勢甚危急監軍何承短然居城焚 關掌州事遂起復為維岳為通判維岳始至屬將洋 文顯知泉州文顗知潭州文顯之往也議擇能臣以 府庫而通維岳抗議堅守福州救兵至圍逐解 命塞之 得州十三軍一縣八十六戶五十五萬兵十一萬五 九川編年備要

六月汴決寧陵 金牙吐尼三言 李克叡卒 為節度使在仁真副使初椒為朝廷所留獨與仁真 子繼筠嗣 決策約土退朝係屬始知之 干封版為淮海王子惟濟惟治將校孫承禮沈承祐並 以范旻權两浙諸州事錢氏地狭民眾賦斂苛暴旻 悉奏蠲之

嚴贓吏法 - Carde 110 / Lad-10 秋九月親試舉人 命塞之 遇赦勿叙用 史李知古坐受財出人罪杖殺至是又詔贓吏配者 任京朝官會當叙用上曰贓吏不可復齒仕籍止令 去歲永豐倉吏八人坐受贓為姦伏誅是歲中書令 端拱初少府监言配役人郭晃等皆

金ケでた。在書 解者除三禮三傳學究外並以秋集禮部故事禮部 賜及第始賜宴於迎春死授官如二年之制先是上 以三題為準得胡旦以下七十四人諸科七十人並 上神講武殿覆試禮部合格進士加論一首自是常 惟春放榜至是秋試非常例也是冬諸州舉人並集 記權罷貢舉恐有困於場屋者乃語諸州去年已得 會將親征北漢罷之自是每間一年或二年乃置貢

**炎定四軍全書** 置内藏庫 冬十月孔宜襲封文宣公 命襲封又的免其家租賦歷代以聖人之後皆不科 庫改封椿庫為景福內庫掌嚴經費之餘以待非常 庸調周顯德中遣使均田遂抑為編戶至是特命免 宜知星子縣回獻所為文上召見問以孔子世嗣遂 上幸左藏庫見金帛山積刀命分左藏北庫為内藏 九朝編年備要


十一月丙中郊奉太祖配大赦 河決靈河 命塞之 庫所當為三五十萬即遣使與契丹約贖過薊之地不以賂契丹使一方之民獨限外境联甚憫之欲俟斯 初太祖置封椿庫謂近臣曰石晉茍利於已割幽薊 之用 可則散之募士以圖進取會晏駕不果

春正月命潘美伐北漢 火亡の事を与 一 置簽署樞密院事 已如太平與國四年 是歲北漢平 位以宣祖太祖更配於是合祭天地始奉太祖升 並以四祖选配而太祖親郊者四並以宣祖配上 國初以來南郊四祭及感生帝呈地祗神州凡七祭 馬 九朝編年備要 BP

新渾儀成 一月契丹救北漢郭進敗之 月上親征北漢 為精妙 張思訓所造舊制行度皆人運轉新制成於自然尤 717 戰於石嶺關之南折御邦克岢嵐軍嵐州尹勲克隆 以石照載為之簽署始此 卷三 久三日: Cartin 劉繼元降北漢平 夏四月上圍太原 是僭號歷四主凡二十九年至是平初城中人猶欲 得州十軍一縣四十一戶十三萬五千兵三萬自劉 陷或請急攻上曰朕惜并州一城生聚即自草詔賜 李漢瓊帥衆先登上躬樣甲胄蒙犯矢石諸軍皆奮 怒爭乘城不可遏上恐屠其城因令眾少退時城幾 繼元諭以速降終保富貴 4 九朝編年備要

金ケンたんと言 涕以與亡喻之遂納款繼元妻奉女也 **国守左僕射致仕馬峯以病即家异入見北漢主流** 繼元遣所親信往繼業乃比面再辭大慟釋甲来見 縣為并州 為繼元杆太原城東南頗殺傷王師及繼元降繼業 以劉保勲如太原府廢太原舊城為平晉縣以榆次 猶據城苦戰上素知其勇欲生致之諭繼元俾招之 上遣中使召劉繼業得之大喜命為防禦使繼業初

かっこう ラーハスシー **鉛征契丹六月發鎮州** 貴幼事北漢更賜以姓名上尋命業知代州業在邊 趙延溥遠進口陛下巡行邊睡本以契丹為患今敵 書斥言其短上皆不問封其書付業 契丹畏之每望業旗即引去邊將多嫉之或潜上誇 未珍滅而誅戮将士若圖後舉誰為陛下戮力者上 扈從六軍有不時至者上怒欲置於法馬步軍都頭 上喜撫慰之甚厚復姓楊氏名業業初姓楊氏名重 . 九月編年備要



武功郡王德昭自殺 八月汴決宋城 命塞之 德昭者上聞不悦及歸以親征不利久不行太原之 退而自刎上聞驚悔往抱其屍哭曰癡兒何至此邪 賞徳昭言之上大怒日待汝自為之賞未晚也德的 初德路從征幽州軍中當夜驚不知上所在有謀立 **男繼捧嗣** 

Children Lithia

九朝編年備要

契丹冠鎮州趙延進等敗之 九月河決汲縣 金ケセスとうし 置皇太子侍讀 除蜀銅錢禁 追封魏王諡曰懿 進亟乘高望之東西亘野不見其尾崔翰等方按圖 初上以陣圖授諸將俾分為八陣至是虜騎坐至延 以楊可法為之仍賜五品服尋遷補闕仍侍讀 卷三

文三月三 Ashin **原辰太平興國五年春正月修河堤** 冬十一月市民馬 先是詔中使趙守偷優給價和市在京及諸州民間 貴通變安可預料於是分為二陣前後相副大破之 捷書聞手站嘉兴 星布其勢懸絕若合而擊之可以決勝李繼隆亦曰兵 私馬於是得十七萬三千有奇 布陣相去百步延進謂翰等日今敵騎若此而我師 九朝編千備要

をりしたとうと 置天腳監 馬自是開廢之馬始備上既平太原逐觀兵范陽得 華舊馬務四以為放牧之地分遣中使指邊州歲市 分掌之時諸州監牧多麼太祖始置養馬二務又與 崇儀使國初但有飛龍二院以左右飛龍使各二人 左右各二以左右雅龍使為左右天殿使開殿使為 **衛潭濮州** 汾晉熊薊之馬凡四萬二千餘匹國馬增多乃置監

置文明殿學士 文定四重全書 一 閏三月親試舉人 二月定差役法 牧之殿馬克权始分置諸收養 役下四五等免部令轉運使躬親詳定勿復差官 從京西轉運程能之請也分民戶為九等上四等方 以程羽為之即端明殿學士也序列於樞密副使之 下國初雖改殿名而學士領職如故至是併改馬 九朝編年備要

夏四月授沙州曹延禄節度 賜三史進士及第仍附是年第一等進士之下 前進士及第又有同進士及進士出身之目其後復 由科第者或因獻文別試以動賜進士及第或賜御 表特恩開寶以來御武中第一者皆稱之其文有不 得蘇易簡以下一百餘人諸科五百餘人並分第甲 沙州歸義節度曹元忠卒子延禄自稱留後遣使入 乙賜宴始有直史館陪座之制初唐有勅賜及第以

五月以賈黄中知制語 是命 中康恪則亡國之實汙法害人矣賜錢三十萬仍有 黃中知昇州府舍有一室封記具存黃中啟之得李 所陷元忠之先繼有其地太祖朝亦當来貢 貢詔加節度唐末以張義潮為瓜沙節度旋為吐番 氏珠寶數十櫃皆未著於籍者即表上之上曰非黄 上尤重內外制之任每命一詞臣必諮訪宰相求 九朝編年備要

次定**四**事全書

是夏丁連卒大校黎桓專政秋七月命孫全興討之 語六烟相賀以為一佛出世豈容易哉 日詞臣之選古今所重朕早聞人言朝廷命一知制 實兼美者先召與語觀其器識然後授之當謂左右 師久無功侯仁寶死之全與等並以逗留伏誅 **璉卒弟豬尚幼桓囚丁氏宗族專制國事上乃命全** 全興等師出踰時察其意止欲緩兵寢而不報己而 與等討之桓尋以瑜表来求襲兄位稱藩入貢上以

之二日本人公司 冬十一月契丹入冠上親征次大名契丹通 以實何為比部郎中 轉運使 飛輓之任今經度其事上刀以仁寶為交州路水陸 其狀上大喜令馳驛召之多遜遞言不若授仁寶以 初仁寳之妻趙普之妹也盧多遜與普有隊白上以 上疏言交州主即被害國亂可取願乘驛話闕面奏 仁寶知邕州凡九年不得代仁實恐因循死嶺外乃 九朝編年備要 ま六


金ケモスない 上至自大名 十二月败近郊 世必謂我重獸而輕人命釋之 時禁盜政有衛士獲獐令當死上曰我若殺之後 至自大名以稱為極密直學士係儀之弟也 **傅因抗疏請還都休養士馬徐為後圖上脫其言及** 初何與實琰同為開封局官琰巧佞係常對上此之 至是上思見傅促召至行在而有是命時方議北征 卷三 李牧所以稱良將於趙用此術也所謂擇卒不如擇 得人但使峻壘深溝蓄力養鋭以逸自處寧我致人 等以事之可否妨等上奏請養驗勇廣儲積期歲之間 非盡由戎狄亦由邊吏擾而致之若緣邊諸軍無御 重之慎之戎狄不足在熊冀不足取自古疆場之難 用師未晚上深納之下詔班師時張齊賢亦上疏略 曰聖人舉事動在萬全百戰百勝不若不戰而勝若 上初聞契丹退欲遂追取幽州命宰相問李昉扈蒙

九三日東小山

九朝編年備要

輦運減則河北之民獲休息矣又曰臣又聞家六合 将任力不如任人如是則邊鄙寧邊鄙寧則董運減 者也竟舜之道無他廣推恩於天下之民耳推思者 是故聖人先本而後末安內而養外人民本也我状 者以天下為心豈止爭尺寸之事角殭弱之勢而已 末也中夏内也夸狄外也五帝三王未有不先根本 爱民利天下之心真堯舜也臣愿厚臣多以織微之 何在乎安而利之民既安利夸狄斂衽而至矣陛下

辛已太平與國六年春三月歧王德芳薨 J. 10 . 1 J. 1. 典使天下耳目皆知陛下之仁戴陛下之惠則幽然 有偽命日賦飲苛重者改而正之使賦飲課利通濟 利尅下之術侵苦窮民以為功能者被為此效相習 便於民事者委長吏聞奏如敢循常不以聞嚴加憲 之歸可立而待也 可經久而行為聖朝定法除去舊與天下諸州有不 已久伏望精擇通儒分路採訪兩浙江南荆湖兩川 し目病年青八



J. 17. 1 J.J. 1 常式書状云不敢妄陳利便希望恩榮錫始書多孫 封事言軍國要機一朝廷大體四略日頃歲平太原 下上怒不賞平晉之功中外莫敢言錫因入解直進 請諫官免書状多遜不悦出之時既取太原范陽未 歌多遜許之始得進御又諫官上章必今問門吏依 逮兹二載未賞軍功請因郊祀行之此要機之一也 交州蠻海之地得之如獲石田願毋屯兵以費財此 大體之一也通來官蘇其職給事中不敢封駁遺補 九月高年備要

金好四度生書 官而無圖籍願擇材而任之各司其局此大體之二 太平之制望别修省寺用列職官此大體之三也又 之以事集賢院雖有書籍而無職官秘書省雖有職 彈奏左右丞今尚缺員中書舍人雖掌書命未聞訪 不敢貢直言起居郎舍人不得升陛紀言動御史不 也朝廷關西苑廣御地而尚書無本廳郎曹無本局 每於歧路見囚荷鐵如於法所無去之可矣此大體 九寺三監狹室蕭然禮部試士或就武成王廟是豈

沙屯四車全書 ~ 事宜或傷頻併施行記動或致稠重此非臨下以簡 陳甲伐或揀閱軍人或躬問縲囚或親校薄書恐於 遠讒忌錫曰事君之誠惟恐不竭別天植其性豈以 之四也上嘉其言賜錢五千萬或謂錫宜少晦匿以 注擬必領引見聴敕皆勞天體安用有司加以條理 略日陛下憂民太過視事太勤毎日聽朝之後或進 大體有所未究又百司營為多以劄子取進止官員 一賞而奪耶在河朔累章論邊事 九朝編年備要 後知相州上疏

置京朝官差遣院 是考功之職不修而磨勘之名互出又言御史臺本 **舊制京朝官属吏部國初以来皆出中書至是詔中** 之司 書舍人郭對等考校勞績品量材器以中書所下關 不禁人令為繫囚之所大理寺舊来置獄令為檢格 之道又轄磨勘一司本屬考功今於中書外無更置 員引對而授之謂之差遣院

次定四華全等 冬十一月置皇城司 石熙載為樞密使 以趙普為司徒無侍中 是普因奏事言的憲顧命臣實與聞上發金櫃得誓 書遂大悟尋復相之 普奉朝請日久 虚多遜 益毀之謂 都 初無立上意於 改武徳司為之上皆遣武徳卒潛察遠方事有至汀州 以戶部尚書充使用文資正官充樞密使始此 九朝編年備要 主

是歲高昌國來貢 辛亥郊大赦 其國漢車師前王之庭戊已校尉之地也 光是有陳再思者上書乞當郊勿赦上竟從趙善言 任賢俊而很信凡輩為耳目上大怒已而遷其官 由是赦宥之文遂定自後郊赦不書 者知州王嗣宗執而杖之縛送闕下奏曰陛下不委 定安國亦附上謝表上初議討契丹因紹定安國令

五千太平與國七年春三月癸已朔日有食之 久正りちたい言 九朝編年備要 來貢 答之定安本馬韓之種為契丹所破其首的斜合餘 張将角之勢其國得記大喜會女真遣使經其國其 衆於西鄙自號定安國云太祖朝亦當因女真遣使 超境上所宜受天朝之密畫率勝兵而助討復優詔 仰覆露之仁每被漸漬之澤頃歲契丹恃其强暴入 王烏玄明附表來上略曰臣高麗舊壤渤海遺民常

贬盧多遜秦王廷美 夏四月以實偶参知政事 タシャノモ・ルークラ 時為亂上不忍暴其事故罷會普無得多遜與廷美 先是金明池水心殿成上将往遊或告廷美欲來此 普屢諷多遜今引退多遜貪權固位不能自決故及 臣出於際會上曰非也乃汝面折賈琰賞卿之直耳 多遜流崖州廷美勒歸第自普復相多遜益不自安 一謂稱曰汝自楊何以至此傾口陛下念藩邸之舊

つかしつ これ これ 皆盡聞者異之及赴貶所食於道旁逆旅有嫗頗能 故有是命趙白等六人皆伙誅 中書守當官趙白秦府孔目官閻密等命翰林學士 交通事以聞上怒責授多遜兵部尚書下御史逮捕 遜曰嫗何自来乃居此嫗顰感曰我本中原士大夫 言京邑舊事多遜因與語嫗固不知其為多遜也多 多遜累世墳墓在河内未敗前一夕震雷焚其林木 承肯李昉等雜治之益得交通顧望祝祖實狀引伏 九, 月, 年衛長

沈倫罷 金欠口尼生言 家有子任某官盧某作相令枉道為某事吾子不能 從其意盧銜之中以危法盡室電南荒未周歲骨肉 崖州事輔求婚於多遜多遜不許遂使辱之將加害 被盧相者妬賢怙勢恣行無忌終當南竄幸未死間 可見之耳多遜點然趣獨去至貶所瓊州遣才將知 相繼淪沒惟老身流落山谷今僑寄道旁非無意也

録繋囚 といううしていか 喜賞怒刑豈能歸天下之心哉上又問治民之道復 凝誰敢犯顏言事若不降情接納乃是自蔽聰明或 趙普等以上察見隱微相率稱賀 相位但歐歐固守不能有所建明指紳非之 上嘗謂普曰朕毋讀書見古帝王多自尊大深拱嚴 部尚書倫清介謹厚故車駕每出多令居守然十年 上以盧多遜包藏逆節倫與同列不能覺知責授工 九朝編年備要

窜廷美 まれとして とこ 五月契丹三道入冠邊將敗之 謂宰相曰朕常重惜人命如此數者往往貸其極刑 雍熙間有司上竊盜贓至大辟者特部貸其死上因 有何術普曰陛下恤念生民每聞利病無不即日施 但時取其甚者以做眾耳不欲小人知寬貸之意慮 行古聖王愛民之心止於此矣 犯法者多耳

普普曰太祖已誤陛下豈容再誤邪於是普復入相 昭憲及太祖意也徳昭既不得其死他芳相繼天絕 意盖欲上復傳之廷美而廷美復傳之德的故上即 初太祖傳位於上昭憲顧命也或日昭憲及太祖本 言廷美怨望不悔過乞徒遠郡防他變逐有是命 降落陵縣公安置房州趙普復教知開封府李符上 廷美始不自安寝有邪謀他日上以傳國意訪之趙 位函命廷美尹開封德昭授節度使皆稱皇子皆縁

人で可事人です 一

九朝編年備要

置譯經院秋七月幸譯經院 マシャ・モ アーベニ 行乾元歷 冬十月幸金明池開習戰 六月河決臨濟 月罷級南椎酯 了繼棒来朝獻四州地其弟繼遷叛去 尋又決范濟口又決武德 廷美遂得罪廷美所以得罪則普之為也

十二月朔戊午日有食之 是歲明紀死子隆緒立復號大契丹 髙麗王仙死 ていう 101 人にから 為承天太后改明年元為統和隆緒才十二歲母蕭 明紀諡景宗孝成皇帝隆緒號天輔皇帝尊母蕭氏 吳昭素所造上親為之序 耶律改名隆運尋拜大丞相封晉王 氏專其國政初蕭氏與樞密使韓德讓通至是賜姓 九月編年備要 ニャ六

癸未太平與國八年春正月曹彬罷 夫子矣 弟治立遺李巨源孔維使之治問禮於維維對以君 厚臨朝累日不懌從容謂趙普等曰朕以聽斷不明 臣父子之道升降等威之序治喜曰今日復見中國 以弭德超為宣蔽北院使兼樞密副使 幾敗大事夙夜循省內愧於心普對曰陛下知德超 彬坐為徳超誣替未幾徳超敗上知彬無他待之愈

金牙世乃不言

こうりつこうない 罪者誅物無遁情事至立斷此所以彰陛下聖明也 州德超之進因李符李琪之薦也 怨望語或告之上命訊賴遂代罪是夏流德超於瓊 雖竟穿何以加此上由是釋然 貶寧國司馬德超之敗上惡符朋黨併令從嶺表逐 初德超之替彬也凱事成自得樞密使及為副使出 初趙晉令李符告廷美怨望又恐符漏言因事逐符 才幹而任用之審曹彬無罪而昭雪之有勞者進有 乙月扇年備要

新定匹厚全書 三月分三司各置使 二月戊子朔日有食之 朱崖雖遠在海中而水土頗善春州稍近瘴氣甚毒 以符知春州歲餘卒盧多遜之流崖州也符白普曰 至者必死不若令多遜處之普不答至是乃以處符 諭朕於臣下務在將護才用優劣一一可見隨其器 不為私事但选執偏見不肯從長商度服每以理開 上嘗語军臣曰三司官吏奏事朕前紛紛異同此固 卷三 火**足**り事全書 九朝編年備要 幸甚 賦調筦權之所出故自尚書省分三司省董之今則 端拱初朝議欲置三司判官十二員直史館羅處約 覆臨長短俱露或又初見天威內懷攝懼若不賜之 **喾峻折之也宋琪曰人之才用军有無備陛下聰明** 群色何由畢其懇誠聖心深鑒事理曲盡物情臣下 上言三司之制非古也蓋唐之中葉後兵冠相仍以 能各加任使奏對之際無不假以辭色善惡無聽未 ニナハー

置語議到善侍講官 為冗長之司雖設其官不舉其職願陛下建垂久之 中更分置係屬則愈失其本源矣又言九寺三監多 於諸王及皇子府以王適姚坦邢禺等十人為之 規不煩更差使臣别置公署 倉部金部安能知帑藏之虚盈司田司川孰知溝渠 坦為益王元傑府翊善雅好直諫王當作假山所費 之遠近有名無實積習生常今宜復舊制若三司之一

驚問其故對日坦在田舍時見州縣督稅上下相急 甚廣既成召僚屬置酒共觀之衆皆褒賛其美坦獨 言規正官中自王以下皆不喜左右刀教王稱疾不 亦為假山猶未成有以坦之言告於上者上日傷民 苦不聊生此假山皆民租賦所出非血山而何時上 俯首不視王强使視之坦曰但見血山安得假山王 如此何用山為命亟毀之王每有過失坦未嘗不盡 剝里骨臨門捕人父子兄弟送縣鞭笞血流淌身愁

をとりまたです!

九朝編年備要

かんした 東王起居曾不得自便王不樂故成疾耳上怒曰吾 官問王疾增損状乳母曰王本無疾徒以納善姚坦檢 也且王少未知出此必爾輩為之謀爾因命粹至後 用規諫而又詐疾欲使朕逐去正人以自便何可得 選端士為王僚属者固欲輔佐王為善耳今王不能 朝上日使醫視之逾月不瘳上甚憂之召王乳母入 大為不易卿但能如此無患讒言朕必不聽也尋擢 園杖之數十召坦慰諭之曰卿居王宫為摩小所嫉

親試舉人 Carlo Ser Arthur 雍熙間以畢士安為諸王府記室上謂曰諸子生長 坦為考功郎 握王世則以下百七十餘人諸科五百餘人賜宴始 深官未知世務必資良輔賛道為益使聞忠孝之道 因謂近臣曰朕親選多士殆忘饑渴召見臨問以觀 就瓊林苑後遂為例以世則等十八人通判諸州上 卿等皆謹恪有行各宜勉之 九朝編年備要 丰

金ケモアとい 盖欲察官吏善惡人民疾告然所命者官高則權勢 朕每見布衣稱紳問有端雅為東所推譽者朕代其 其才拔而用之庶得岩野無遺逸而朝廷多君子耳 審知利害但虚有其名耳曷若慎選羣才各分任使 太重官甲則威令不行又所過州郡承迎不暇豈能 有功有過賞罰分明且國家選才最為切務人君深 於士大夫無所員矣 上嘗謂宰相曰唐置採訪使 父母喜或召拜近臣必為擇良日欲其保終古也朕

夏四月蠲漳泉奇敛 てこりず とここ 得一怕樂得十利劍不治得一歐治此言殊有理朕 上當覽福建版籍謂宰相曰陳洪進止以漳泉二州 子小人各有黨類最不可不謹也上然之 進用良善實助太平之理然於采擇要在得所盖君 孜孜訪問正要求得良才以充任使也趙普曰帝王 無站若擇一好人為益無限古人言得千良馬不若 居九重何由編識必須採訪尚能善者多自然操履 九别扁年備要

膽數萬衆無名科斂民所不堪比朝廷悉已蠲削民 皆感恩朕亦不覺自喜 又當謂趙普曰前代亂多 惟始終力行之天下幸甚 又嘗謂宰相宋琪等曰 數百種朕悉今除去矣俟五七年當盡減民租賦卿 但持其綱領行其正道以齊一之鄉者偏霸掊克凡 治少皆繁帝王所為朕撫御萬方固不能家至戶晚 近代以来政理隳紊無如晉漢外則侯伯不法恣其 記朕此言非虚發也普口陛下愛民之意發於天性

金ケレたと言

クシリシーニナラ 班外官戒谕解 幸甚 率斂吸嗷何所告訴朕每念及百姓寒耕熟耘管求 理誅剥乎琪等對日陛下恤民求理取鑒晉漢天 衣食國家若非膽食軍旅两稅亦不忍惟督而況非 掊飲內則權倖用事貨路公行百姓未納王租先遭 上曾作戒諭辭二付閣門一以戒京朝官受任於外 一以戒幕職州縣官至是令閣門於朝辭日宣旨 九朝編年備要 

作太し宮 金いしたる 五月河決滑州 灌澶濮曹濟等州流至徐州入淮發平數萬民夫十 戒勃仍書其解於治所屋壁遵以為戒 受其福以數推之當在吳越分故今蘇州築官以祠 初方士言五福太乙天之贵神也行度所至之國民 餘萬治之 之至是成又紹作官於蘇村

ときるりらいないはい 秋七月諸路大水 黎桓來貢 月今中書密院修時政記 月穀洛伊遷溢 先是詔盧多避錄時政記未成書直史館胡旦言唐 桓廢丁璿自稱交州留後始遣使入貢上賜詔書因 溺死者以萬計 而撫之令遣丁璿母子入朝桓不聴命 九朝編年備要 1114111

寬两稅限禁嚴刑惟科 九月置江淮水陸發運使 金りした人口 此 國政要並委祭知政事李昉撰錄樞密院令副使 密院置內庭日歷自後闕廢請修舉之刀記自今軍 以来中書極密院置時政記周顯德中李穀又奏極 置於京師 八豪集每季送史館昉因請先奏御時政記奏御始

というでは 罷諸州知後官 冬十月置都進奏院 特加一月而官吏自求課最恣行捶撻督令辦集此 賦租軍國用度所出恨未能去之比令两稅三限外 五限以遣之防稽緩也 有嚴刑惟科者論其罪又今自今遭使檢數災旱必 上謂宰相曰朕視萬民如赤子念其耕稼之勤春秋 事尤傷和氣刀下部中做之且令長吏皆察所屬 九朝編年備要

超普罷 金ケモたくこ 意普感激且泣朕亦為之堕淚宴之日樞密使王顯 近臣曰趙普於國家有大熱勞朕布素時與之遊從 俱側上笑曰朕未當御新衣盖澣濯賴所致耳上因 等侍側數視上怪而問之顯等口陛下所衣祷文樓 齒髮衰矣不欲煩以機務擇善地今之即治因詩道 出領武勝節度宴餞普於長春殿上賜普詩明日謂 言此雖逼下已甚盖念機杼之勞苦欲示敦朴為天 卷三

十一月以宋琪李昉同平章事 上謂曰世之治亂在賞罰當否當其功罪無不治或 下先也

的賞罰至公未有不致太平也 的初與盧多遜善 柄刀御世之街勒者馬無街勒何以控御治天下者 以為飾喜怒之具即無不亂卿等戒之琪曰賞罰二

持之不疑多遜優踏的人或告的的日盧與我厚不當

爾於是上語及多遜事昉頗為解釋上因言多遜居 九朝編年備要

1. 1. 1. 1. 10 1 (C. 1.1)

以李楊呂蒙正李至祭知政事 金ケしたノニー 鉛宰相班親王上 張齊賢王沔同簽署極密院初務知開封府時剖決 琪等固辭上日宰相之任實總百揆與羣官禮絕藩 常毀郷不直一 精敏姦猾無所假貸由是豪右屏迹權貴不敢干以 道卿勿多辭也 邸之設止奉朝請而已元佐等尚幼欲其知謙損之 錢防始悟上由此盖重之

7 - 17 :01 1:11 先要情通朕勵精求治即等為朕股胚耳目設有嗣 謝上又曰朕覧前書備見歷代治亂大抵君臣之際 學通用操履方潔卿居京府尤號嚴肅故加獎雅也 政宜悉心言之斷在必行朕每行一事偶有未當久 朕與卿等安得不日思善事以副億兆之禱耶楊等 因思問里問每旦焚香祝天子萬歲次則大臣眉壽 之曰朕為官擇人惟恐不當今两制之臣十餘皆文 私上益知其才始有意大用 九羽編年前要 至是穆等入對上謂 三十六一

金定四月全書 置侍讀官 紳者知察州以贓敗或為上言蒙正與神有限上即 若一知其姓名則終身不能忘固不如毋知也後有張 曰張紳果有贓蒙正亦不辨 復納官蒙正終不辨後得其實上復點紳因謂蒙正 那蒙正伴為不聞同列欲詰其姓名蒙正遞止之日 之尋繹惟自各責耳固不以尊居自恃使人不敢言 蒙正入朝堂有朝士指之曰此子亦參知政事 悬三

Children later 學 當時史館修太平總類成日進讀三卷宋琪等 禁中每眼日多刀問文仲以經書著以筆法端以字 佐郎呂文仲為侍讀尋又為翰林侍讀常御經史命 每讀老子至住兵者不祥之器聖人不得己而用之 不為勞也尋改總類名曰御覽 上雲謂近臣日朕 日窮歲暴短恐瘦聖躬上日朕性喜讀書開卷有孟 文仲讀之文仲與侍書王者更宿而書學葛端亦直 上聽政之暇日閱經史惠顧問闕人是歲始用著作 九朝編年清要

甲申雅熙元年春正月求遺書 李繼遷冠宥州擊敗之 金ケセだくる 陛下好學之感也昔有鶴雀衛三鱸魚壓楊震講堂 飛止殿鳩吻逮掩卷而去上怪之以語近臣對曰此 文徳致治朕每退朝不廢觀書者意欲酌前世成敗 未嘗不三復以為規戒王者雖以武功克定終須用 下抑亦類此 而行之也 上常禁中讀書自己至中始罷有蒼鶴

次三四年 全营 廷美卒 李穆薨臨其喪 二月朔閱将校 臨哭謂近臣楊國之良臣朕方倚用遽淪沒非斯 移性至孝操履純正遭母喪的强起之尋以毀卒上 之不幸乃朕之不幸也 諡曰悼廷美母陳國夫人耿氏上之乳母也 廷美至房州憂悸成疾卒工聞之嗚咽流涕贈活王 九朝編年備要 7+1

三月滑州決河塞 用 先是塞房材口決河用丁夫凡十餘萬自秋踰冬斷

或行問聽勇出衆者令將校互相保任魏能戊遠不 為聚所保上曰此人材勇朕可自保之由是稍如進

まりてんと

按名籍來考勞績而升點之踰月而畢自後率循其

制上謂近臣曰朕選擇將校先取其循謹能御

者又曰兵雖衆尚不選擇與無兵同舊制諸軍辭見

次定四軍全書 一 初以京官充堂後官 乾元文明二殿災 五月除江南鹽禁 夏四月羣臣請封禪 尋復之 詔許後以火災故罷之 塞而復決上不欲重順民力乃命發卒五萬人塞之 及記功上作平河歌蠲水所及民田租 九朝編年備要 三九

金りロろという 六月求直言 官闕 是冬初以堂後官充職事官仍部除入謝外不赴朝 祭見宰相禮同 骨吏 功業自多然臨御九年四方雖寧而刑罰未甚措水 事又言時久昇平天下混一故左取右奉致陛下以 右補遺不舉其職致陛下有朝令夕改捨近謀遠之 火災故知睦州田錫上疏略曰給事中不得其人左 充堂後官 卷三 端投初又今選選人授京

遣使諸路察獄 天三可事全書 奏陳幸令大臣議而行之母使垂之空言示之寡信 太廣則係制必緊條制既繁則依從者少自今凡有 員郎差遣近臣不專受責而求令録封章又言聽用 之至理誰敢不謂之至理又言宰相不得用人而奏 早未甚調陛下謂之太平誰敢不謂之太平陛下謂 何以置之為具臣而疑之若衆人也 人言宰相若賢當信而用之宰相非賢當擇而任之 九朝編年備要 7

韶州縣官言事 御史季把等八人 奏事時福建輸編翎為箭羽鶴非常有物官督責尤 急一翎直至數百稱民甚苦之濟以便宜諭民取楊 詞狂恃上慰諭之越明年冬有龍溪主簿王齊附驛 詔律附傳置以聞時有草澤上書言時政者引對其 初轉運使及知州通判皆併尚書言事至是復降是 翎代翰驛奏其事因詔舍 郡悉知之

嚴慮囚限 火已四多大三百 九月夏州襲敗李繼遷 秋七月命諫官領登聞檢院 嗣繼遷時年十七勇悍有智謀不樂內從與其黨奔 改風院為之仍令諫院依舊差諫官一員主判 初李繼棒入朝其弟繼遷留銀州詔發繼棒繼遷赴 **令諸州十日一 慮囚** 人番族地斤澤距夏州東北三百里出其祖奏六像 九朝編年備要

きによとくし 冬十月召隱士陳搏 焼四百餘帳獲繼遷母妻獨繼遷以身免 出至是知夏州尹憲選精騎夜掩襲之斬首五百級 至中書宋琪等問日先生得玄點修養之道可以授 上之初即位當召之至是復至上益加禮重遣使送 無可傳授然正使白日昇天何益於治聖上龍顏異 以示戎人戎人皆拜泣稍稍歸附詔書招諭繼遷不 人乎曰搏遁迹山野無用於世鍊養之事皆所不知

Jain that 當即至於飲食亦不過盖行之已久甚見得力凡人 間視事罷即看書夜深乃寢五鼓而起盛暑永畫未 選華山 上嘗謂宰相曰朕每日所為有常度辰已 此其等表上其言上覽之甚喜賜號希夷先生尋請 凝滞諸疾自生卿等亦宜留於攝養也 飲食飽無不昏濁倘四支無所運用更復就寢血脈 主正是君臣合德以治天下之時勤行修鍊無以加 秀有天日之表洞達古今治亂之古真有道仁聖之 九川高年清要

金万匹尼生書 嵐州獻一角獸 寧風俗淳厚此乃為上瑞耳 徐拉等以為祥麟上口珍禽奇獸奚益於事方內人 帝至是遂用蒙議識者非之自張的實儀卒朝廷諮 奏言經曰嚴父莫大於配天請以宣祖配天太祖配上 故三年六年再郊並以太祖配及將封禪扈家定禮 初太科追尊四廟親郊以宣祖配上即位從禮官議 月丁卯郊奉宣祖配改元

立他如李氏為皇后 是歳令外庭勿與内蔵 十二月罷廣南諸州采珠場 詔是今內藏庫月帳於內東門進外庭不得與其事 故淄州刺史處耘之女也 自是惟商船販市 大稔人民亦無疾疫當與卿力行好事以答天意 訪故興革立儀法皆蒙專馬 九阴扁年前要 淳化中罷端州貢硯 上當語宰相以今歲 -

金定匹片全言 三月親試舉人初唱名賜第 一酉雅熙二年春二月禁增置寺觀 宜與孙寒競進並罷之左右言尚有遺才復試又得 賜及第李昉呂蒙正之子皆入等上曰此並勢家不 得梁瀬以下一百七十餘人諸科一百餘人並唱名 洪湛等七十餘人諸科三百餘人並賜及第 有閱復當賦率於民爾联終不以此自侈嗜好也 上謂左右曰此盖慮司計之臣不能節約異時用度 卷三

宴近臣 秋七月詔按視倉栗 夏州敗李繼遷 夏四月遣使脈江南饑 こうえとこ 黨錫里族 宴於後苑宰相以下三館皆與賞花釣魚曲宴始此 繼選春問詐降誘殺都延檢曹光實至是夏州敗其 御史安國祥等十人 九朝編年前要 十十五

冬十月錄擊囚 金グセグとこと 九月廢皇子楚王元佐為庶人 李承積等六人 轉運及長吏計支用外出糧或借貸與民及轉輸京 月遣使按察荆浙等路 師不省視而致損敗者雖去官論如律 感心疾屢為殘忍不法至是坐縱火廢 初廷美得罪元佐獨申救之上不聽廷美死元佐遂

宋琪罷 とこう こここ 十二月庚子朔日有食之 坐與樞密使柴禹錫交通上不被暴其狀以其素好 境猛虎渡江況人君能惠養黎庶中理宽滞豈不感 召和氣乎朕每自勤不怠此志必無改易或云百司 務天下安有不治者古人宰一邑守一郡使飛蝗遊 细故帝王不當親決朕意則異乎是 上次事至日肝因謂宰相曰中外臣係若皆留心政 九月扁年備要

金欠匹乃全書 官上詔李昉等曰朕於大臣豈欲容易進退其為宰 **談語無大臣體禹錫不能輸誠奉公并罷之琪守本** 朝編年備要卷三 請居盧多遜舊第不避惡名與鍾離意何相遠 書樞密朝廷政令所出治亂根本繫馬且 柳等與朕共理當各竭公忠以副任用 卷三、